


74
6643
13



74
6643
13



欽定戶部則例卷二十三

漕運五

貼贍雜款

扣留支放

河閘事宜

奏報考成

漕員職掌

官丁獎卹

同治壬午校刊
戶部則例卷二十三
漕運

目錄

<99-1210>

欽定戶部則例卷二十三

漕運五

貼贍雜款

一江南浙江山東三省每加裝正米壹石給負
重銀伍分江西省每加裝正米壹石給銀貳
錢貳分伍毫

一蘇州太倉鎮海等三衛漕船每出運船一隻
於行月之外給旗丁貼運銀貳拾兩貳錢柒
分柒釐有奇金山幫每船一隻給旗丁贍運

戶部則例卷三十三
銀貳拾壹兩肆錢捌分有奇

一江南浙江二省白糧幫船於支給行月銀外每石另給贈銀叁錢肆分柒釐又江南省每石給本色飯米柒升貳合浙江省每船給飯食米叁拾肆石叁斗每石折銀壹兩貳錢均于道庫減存銀內支給

二漕船每幫給運官紙劄銀貳兩於輕齎銀內

勤支

白糧幫船及風火事故買補雇募船隻俱不支給

一漕船簷夫銀兩江南江西浙江湖廣等四省

均按實在起運過壩正米核算每正米壹石

給簷夫銀壹分其路近之山東河南二省不

准支給

一簷羨銀兩按到通船核給其有風火事故船

不到通者按船扣除買補雇募民船停其支

給山東省自備民船仍照漕船例支給羨銀

一漕船羨餘銀兩山東河南二省每船給銀壹

兩江南省每船給銀貳兩浙江江西湖廣三

省每船給銀肆兩

一山東河南二省每船額交茶果銀柒兩其自備船隻例不同空准將應領羨餘及紅撥銀兩於應交茶果銀內按數扣抵

一山東省運隨幫弁向無養廉按領運糧石之多寡每石核給運官銀伍釐隨幫銀壹釐在

一五漕耗內分別造支名為見石盤費遇全行停運

之年找支十分之五遇緩截過多之年找支十分之七至蠲緩漕糧年分除減運帶運各

幫按兌漕數日核計少得盤費為數無多並

尚足敷用者毋庸找給以節糜費外其因歸併別幫帶運赴通並未出運之幫按該幫兌

漕州縣蠲緩米數照停運例覈給運隨員弁

盤費十分之五運官銀貳釐伍毫隨幫銀伍毫於蘓糧漕耗

銀內動給報銷

一紅剝地畝銀兩連閏計壹萬肆千捌百柒拾捌兩肆錢陸分出給

北運河淺標各夫工食及標竿銀外餘剩銀

兩按到通船隻數目分派山東河南二省照

數給發其餘江南浙江江西湖廣各幫全數扣留作為

北運河添設刮板淺夫經費之用統於通濟
庫奏銷造報

一浙江江蘇安徽三省加一輪造免雇船隻應
運漕糧分灑通幫其漕截漕贈負重等銀按
糧分給各丁濟運

一軍糧經紀項下題定幫貼倉場及坐糧廳衙
門吏役飯食共銀貳千肆百貳拾肆兩按捌
折給實銀壹千玖百叁拾玖兩貳錢每年在
於坐糧廳茶果項下放給

一江浙二省管夫銀兩並江浙豫東四省羨餘
紙劄餘米價等銀均按七折實銀支給扣減
參成銀兩留存通庫備辦先漕仍列入通庫
奏銷案內逐款覈實報銷如有贏餘隨同通
庫餘存銀兩解部

扣留支放

一各省運軍行月二糧除本色米麥於丁船到次三日內各州縣照定額給發外其折色銀兩解送糧道驗明將一半扣留解准放給其餘一半并應領別款銀兩合糧道核計每丁應領新舊錢糧共有若干開行應需若干置備器具應需若干沿途提溜打圍應需若干節節算清按段支發所餘銀兩至通壩全行散給凡水次應領錢糧令該幫本衛守備出

具印領交與本衛千總加具戳記赴道投遞
該道驗明應領給發仍取具該衛並無預領
印結送總漕查核至到淮放給一半折色行
月錢糧湖北湖南二省糧道自行親帶至淮
會同總漕面給旗丁江西省令糧道封交押
運丞俾解淮江安蘇松浙江等省令糧道封
交領隨千總解淮均呈送總漕驗明散給
一各省例不過淮幫船於水次應給折色行月
銀兩數內山東省預留銀叁拾兩封交運官

沿途遇有支用之處旗丁稟明運官支領濟
用河南省扣銀壹拾兩作回空之資其江南
協運之徐州衛河南前後兩幫及江南省廬
州衛四幫淮安衛四幫徐州衛江北幫宿州
衛頭二兩幫長淮衛一幫鳳陽中衛三幫均
於給丁銀數內酌留三分之一以濟回空
一山東德正等十幫應領錢糧內每船扣出銀
貳拾兩柒捌錢發交本幫運弁俟船抵楊村
放銀伍兩餘銀拾伍兩柒捌錢抵通全行放

給

一協運豫糧通州天津等十幫應領錢糧每船

先於在次給發十分之四其餘扣存辦公銀

每幫自陸百兩玖百兩壹千貳百兩壹千肆百兩貳千兩不等

在德州開行放銀一次

每幫放銀貳百兩楊村起撥放銀一次

每幫放銀自貳百兩至柒百兩不等

一江蘇糧道所屬漕白各幫並下江江興等衛

幫應領錢糧內每船提銀陸兩俟船抵臺莊

時給放仍將原給三分兌費錢文

江蘇各幫每船拾柒

捌千至貳拾千文不等下江各幫每船拾叁肆千文不等

儘數扣留俟到

通全行散給

一江安蘇松江西浙江湖南湖北等省准放運

軍一半行月錢糧內數多者每船扣留三分

之一數少者酌扣銀捌兩以資回空費用各

糧道另行兌封於過淮時送總漕查驗交與

領隨千總公同收帶仍取具該弁等領狀俟

糧船抵通日該弁等報明坐糧廳於驗米時

按船照數散給仍將給過銀數日期呈報戶部查核倘運隨各弁沿途先行給丁以及私自挪移以致抵通無項給發者倉場侍郎查明題參

一浙江漕白二十一幫應領錢糧內每船提銀伍拾兩俟船抵鎮江令本幫運弁放銀壹拾兩過淮後呈解總漕放銀壹拾兩其餘銀叁拾兩至山東直隸一帶糧道放給

一上江安慶前後池州宣州寧太廬州頭等六幫應領錢糧內每船提銀貳拾兩解淮發交本幫運弁按段給放俟船抵濟甯放銀捌兩楊村放銀陸兩通壩放銀陸兩宿州頭幫二幫每船於原支伍升耗米內扣留拾石易銀存儲並於新增耗米內折銀陸兩由本幫運弁帶北放給

一江西十三幫應領錢糧內每船扣存銀叁拾伍兩柒錢肆分陸釐糧道帶赴臨清發交押運廳員俟船抵楊村放銀貳拾兩其餘銀兩

抵通給領

一湖南頭二三幫應領錢糧內每船酌扣銀壹百兩留俟船抵漢口田家鎮二處按段陸續放給

一湖北頭二三幫應領錢糧內每船扣存銀肆拾兩留俟船抵田家鎮放銀貳拾兩其餘銀貳拾兩至瓜洲口放給

一各省截留漕糧如未經受兌之船照停運例給與減半月糧已兌未開之船於減半月糧外將二三修銀兩全行給與若已兌開行在途

截留漕船除支給二三修銀兩以及一半月糧外山東河南二省每船酌給幫費銀伍拾兩江蘇安徽浙江三省每船酌給銀陸拾兩江西省每船酌給銀玖拾兩湖北湖南二省每船酌給銀柒拾兩其餘一半月糧以及行糧贈耗等項銀米山東河南江南浙江將路程與銀米俱勻作十分計算按程核給如有長支照數着追江西湖北湖南三省漕船如未

過江截留者餘剩行月各項銀米一體按程追繳其已歷長江尚未渡黃截留者給與四分之三至渡黃以北在臨清德州等處截留者各項銀米准其全給

一漕糧截留北倉轉運每米壹百石旗丁交船價銀陸兩地方官會同坐糧廳雇募剝船飭令經紀等親身押運又自河至倉每石交抗價制錢陸文又每米百石旗丁出米貳石內一石備補沿途折耗伍斗作經紀飯米伍斗

幫貼經紀等轉運夫役雜費

一漕糧從北倉轉運羨餘銀兩照數全給

支給銀數

詳前貼贖雜款條內 管夫銀每石給銀伍釐

一各省漕船因饋行遲誤以致漕糧暫儲北倉其運通腳費照例扣繳如因備撥截留免扣運通腳費

一旗丁應領銀兩務須隨時給發儻有遲逾將該管各員嚴加議處

一江蘇辦漕州縣扣存帶北存公銀兩於幫船

開行十日內接數解交總運廳員收存儻所屬幫船全行渡江尙未清解卽著總運廳員迅速起程督運一面稟明勒令該州縣將銀兩專差趕解總運舟次仍將誤公之州縣參辦

河間事宜

一各省運漕河道令河道總督漕運總督督率各官挑淺疏通儻有不豫行挑濬致誤運艘及有石塊木椿阻礙中河不行起除以致抵觸漕船題參議處

一山東運河責成河東總河山東巡撫於每年回空將次過竣時確加履勘若河道受淤立即估計奏明辦理儻因循玩誤以及浮估侵漁據實參奏如隨同隱飾一併從嚴議處

一山東運河每年於十一月初一日煞壩挑濬其開壩日期以南漕船隻頂臺莊爲準如有逾期不築及糧船未至臺莊先行開壩該督撫將該管官查叅議處

一東省疏出新泉可以經久者於查勘具奏後該州縣將泉名勒石申報各上司由巡撫彙册咨部仍隨時挑疏毋任稍有淤塞

一各湖水櫃以微山湖爲最要東境八閘及江南邳宿運河全賴微湖挹注幫船到境按照

宣放尺寸

頭進放水二尺四寸二進放水三尺二寸三進放水不得過四尺

毋許任意做放

一各湖蓄水過少之年於重運甫竣卽趕築欄河大壩盡數收入微山等湖若重運全竣後湖水漸符定誌各單閘水口所進之水可期收足卽從緩堵辦

一山水驟漲奔騰下注專藉各閘層層關束若水勢猛驟恐致閘板戩裂酌啟閘板數層以資下洩

一北運河額設標夫三十三名自重運入汛起至回空出汛止每名日給工食銀捌分每名每月另給標竿銀伍錢紅剝銀內動支令其多置標竿指引糧船

一北運河八汛刮板四十三副淺夫八百六十

名每刮板一副淺夫二十名每名月給工食銀壹兩貳錢

紅剝銀內動支給與年貌籍貫執照通永道漕運通

判管轄遊巡千總督同把總專司其事每年

漕艘未到之先令其實力疏刮深通過有更

換照僉丁例隨時報部並令坐糧廳一體查

察

一各省重運漕船僱入運河責成沿河文武員

弁將漕船催僱先行其織造辦物船隻並銅

鉛船隻以及木排等項令其尾隨在後挨次

前進儻該船排等不遵彈壓即將押送之委

員嚴叅

一江西省糧船經由鳳凰灘至罐子口一帶及

贛水十八灘以下遇水小歸槽時該省巡撫

糧道遴委妥員帶領兵役於河溜兩旁分投
插柳標記深淺儻有船隻走出標外以致淺
擱者立時究處

一漕船經由各關責令地方官實力查禁督催
俟漕船齊幫始行啟板開放官商民船令其
隨漕過關不許越漕前進儻關官瞻徇私啟
以致洩水誤漕或稱啟板拉船藉詞索費交
運河道實力嚴查其臨清關口毋許借端留
難需索令濟東道督率稽查如踵前弊卽將
該管官員等分別議處至漕船因守候齊幫
耽延時日准於單內註明免其查叅

一山東省運河各關遇春夏水微之時遵照漕
規啟閉如糧船到關必須上下兩關闌板緊
閉會牌俱到始行開關如會牌已到而關官
尙未啟板催漕員弁一面催令關官開闌放
船一面詳報總河總漕查叅如會牌未到不
得逼勒啟板其會牌亦不得稽遲如河水充
足相機啟閉以速漕運總不得兩關齊開過

洩水勢

一各閘閘板專責運河道於每年冬春二季重運未入境前空運出境後督令廳員確切詳查一律添補齊全毋任短缺

一大通等閘每逢秋水旺之際俱各嚴閉蓄水凡值幫船到通需水時上遊各閘提板放水以濟漕運

一惠濟通濟福興三閘關纜人夫每閘派漕委一員專管仍責成淮揚道就近稽查其漕船經過應給關纜人夫飯食錢文由糧道查照木榜條款交總運各員眼同漕委分給不准漕委及夫役勒索亦不准弁丁拖欠

奏報考成

一各省漕項錢糧由糧道每年造具清冊分晰
已未完各數呈送總漕於隔年三月奏銷江
寧德州二倉行月米石歸入漕項奏銷辦理
臨清倉月糧淮安徐州鳳陽三倉行月錢糧
總漕亦於隔年三月另案題報
一江南省衛江淮興武等幫行月本折錢糧總
歸江安糧道催徵給發造冊申送江蘇巡撫
先行題報總漕仍彙入江安項下一併奏銷

一各省例解通濟庫由關輕齎等銀由坐糧廳
覈明收支經費各款呈報倉場造冊題銷至
應收進倉漕白二糧及各倉收放米數及各
幫帶交毛竹席片俱由倉場衙門造冊奏銷
均限次年五月內具題

一各省每年起運漕糧出運減運船糧除頒發
全單照舊辦理外各州縣漕糧一經徵齊卽
將各該省額徵若干本年起運若干緩缺若
干逐一比較上屆三年盈絀數目據實奏明

一而造具清冊報部查覈儻比較上屆三年
有減無增卽將所短糧數設法當年補足起
運如所屬州縣偶遇偏災督撫務宜親往履
勘確查分數具奏儻捏報災荒或所報分數
不符嚴叅懲辦其災減蠲緩數目由藩司起
緊辦理移知糧道糧道冊造運減船糧各數
於次年二月初十日前馳送到淮總漕衙門
於二月二十日內彙齊送部如逾限未到於
文內聲明聽候覈辦

一各省倉項錢糧由糧道造具清冊分晰已未完各數呈送各該督撫查覈山東德州倉江南徐州倉於次年五月造冊奏銷淮安鳳陽江寧三倉於次年六月內造冊奏銷山東臨清倉扣算一年限滿奏銷河南額解臨德二倉錢糧於年終題報各官完欠考成於年終造冊奏銷

一各省徵收白糧經費隨漕貼贈截潤輕齎行月等項本折錢糧未完經徵督催官員俱統歸漕白正糧及各倉糧銀款內作十分考成不必分算如漕糧改折之年遇有未完另作分數不準與白糧經費等款籠統造報

一各省津貼餘租銀兩歸州縣衛所徵收藩司糧道分別催解造冊題銷如有徵催不力拖欠未完俱照正項錢糧分數議處

一江西會昌所屯田坐落瑞金安遠二縣境內者由會昌縣於每年開徵時將村莊花戶屯餘數目造冊移交瑞金安遠二縣代徵仍交

會昌縣報解如有未完卽將代徵之員職名造入仍以會昌縣屯餘額數覈計分數開叅一各省漕糧如有因災傷過重奏請蠲緩漕糧者該督撫查明確覈情形於地丁摺外另行具奏并將州縣區圖村莊名目分晰開單候旨遵辦如缺額較多令該督撫設法補足起運儻州縣有捏增分數那移地段倒填月日諸弊由該督撫指名奏叅

一江安糧道所屬應徵緩漕並歷年帶徵漕項銀米均覈明完欠分數造報年限考成題叅其江蘇糧道所屬未完緩漕米石並巡撫督催未完統令查明完欠分數造報年限考成一律題叅

漕員職掌

一倉場總督專理一切漕倉事務凡關繫漕河事宜均與總漕總河會議酌辦並稽查倉委官僭經紀車戶驗看五閘河道兩壩撥船於漕糧未至之先責令河員疏濬淤淺各糧道批解隨漕輕齋等銀到通卽飭坐糧廳收儲通濟庫年終將收放各數覈實奏銷如有未經解完者卽行指名叅處京通各倉監督暨坐糧廳差滿之日俱令考覈具題

同治十三年校刊

戶部則例卷三十三

漕運

二十

戶部具條卷三十三
一坐糧廳專管北河催趲空重漕船挑挖淤淺
修築堤岸閘座預發銀兩置備口袋追比掛
欠並管通州稅務及通濟庫收支銀兩每年
糧船將到將裏外河及土石二壩船隻先期
預備糧船一到卽行撥船轉運親自往來催
督毋致稽滯如有奸棍盜漕及胥吏擾害運
糧員役等弊呈明倉場處治二年差滿造冊
奏繳考覈

一倉場侍郎仿戶部左侍郎管三庫例加兼管

通濟庫事務銜其印鑰由該侍郎佩帶遇有
應放銀兩該坐糧廳呈請開庫由該侍郎酌
定應否放給親臨監放如因公事不能分身
卽派委妥員會同監放儻該廳擅自開放或
有折扣朦混等弊除責令照數賠補外仍照
濫放庫款例從嚴叅處該侍郎失於覺察或
濫行開放卽由戶部奏叅並令該廳設立循
環簿二本鈐蓋印信填寫管收除在數目按
月輪送倉場衙門查覈

一漕運總督駐劄淮安總理漕務凡僉選運弁修造

漕船派撥全單兌運開幫過淮盤掣催償重

運查驗回空覈勘漂流督追漕欠諸務均屬

專理所有漕運各項錢糧尤宜徹底清覈汰

浮剔蠹毋許所司朦混隱沒直隸山東河南

江南江西浙江湖廣七省經理漕務文武官

員咸歸管轄如有違誤漕務催償不力及干

犯例禁者即行分別糾叅

一山東河南江蘇安徽浙江江西湖北湖南等

省各設糧儲道一員總理通省糧儲統轄有

司軍衛遴委領運隨幫各官責令各府清軍

官會同運弁僉選殷實旗丁成造新船修葺

舊艘預給工料及時修造完工備運督催州

縣開徵漕白二糧并隨糧輕齋席木行月廩

工耗贈經費等項錢糧按期徵收解給兌竣

之日依限開行并督追漕欠諸務一切漕運

錢糧盡歸糧道專管各司道府不得分管混

淆至糧道專司漕務該督撫亦不得別行委

用致誤職守

一各幫運丁應領行月折色并運費等項銀錢責成糧道先期覈明每幫每船實領數目係銀足兌實封條錢足數捆紮鈐貼印花俱令糧道親身放給運弁旗丁眼同支領儻有假手家人書役及需索剋扣等事許旗丁赴督撫漕督各衙門首告按律叅辦

官丁獎卹

一漕船全數抵通止將該管巡撫照例議敘其有漕省分之兩江湖廣浙閩總督俱毋庸一體議敘

一湖北湖南江西三省糧道押抵臨清卽行回任如押運已屆三次果能催儻認真並無過失該督出具考語給咨俟到通交糧完竣後再由倉場查明送部引

見其河南山東江南浙江等省糧道直押抵通者亦

俟押運三次後送部引

見

一押運同知通判等官三次以上並無事故總漕奏明出具考語咨部帶領引

見

一漕船抵通迅速如有奏准將運弁旗丁等分別賞賚者領運千總每員給賞銀貳兩不淮議敘軍船正丁每名賞銀壹兩

一各省運糧旗丁過淮抵通並無違限及米石

照數全完者總漕賞給花紅

所需銀兩就近於漕項內

提取支給將支銷數目造冊報部如額糧之外三運陸續多

交米至壹百石者倉場咨部註冊六運多交

米至貳百石者給以九品頂帶榮身其出運

二十年雖無多交米石但歷運並無掛欠過

犯者令該丁呈明糧道確查詳報總漕移咨

戶部倉場查核亦准一例給與九品頂帶

一漕船在大江黃河洞庭洪澤等湖危險地方

遭風漂沒官弁人等得獲生全者官弁照軍

功保守在事有功例旗丁照軍功頭等傷例
分別議敘給賞被溺身故者官弁以現在職任分別廕

贈旗丁均照陣亡例給與祭葬銀兩副丁頭

舵副舵水手人等照軍功二等例賞卹若在

內河遭風漂沒得獲生全者官弁照軍功例

減等議敘旗丁照二等傷例減半給賞身故

者官弁減等分別廕卹旗丁均照陣亡例減半給與

祭葬銀兩

一淹斃旗丁應得賞卹銀兩無妻子親屬可領

者給致祭銀貳兩令地方官料理埋葬

一漂沒旗丁先雖報斃後經遇救得生令於回

籍後卽行呈明違者治罪運官押糧北上者

免其查議

欽定戶部則例卷二十四

漕運六

通漕例禁

嚴杜轉運流弊

嚴禁偷漏

嚴禁水手

同治十三年校刊

戶部則例卷二十四

漕運

目錄

欽定戶部則例卷二十四

漕運六

一通漕例禁

一州縣收漕或借米色為辭或度倉有餘米私收折色者查出嚴叅治罪或書役將應上米石私相折銀以致米石虧缺者其侵虧米石著官役各半追補糧戶業已給有印串不得扳指私折再為追究如糧戶私向折銀經官拿獲現銀者通詳究治將銀入官仍追應完

米石交倉

一各省收漕州縣將紳民應完糧額一律均收不得有大戶小戶名目印官親駐倉廩秉公監兌責成該管道府嚴密稽察儻有縉紳巨戶包攬強交代納及官吏浮收折色等弊從重究辦道府瞻徇該督撫一併查叅

一各省收漕州縣務將舊充漕總記書之人查明禁革營求幕友長隨概行屏絕儻上司徇情囑薦許州縣據實揭報每年收漕務須另

選妥實書吏及親信之人取結通詳備案

一各省有漕州縣徵收漕糧如有私給地方豪棍及上司衙門書役規例以致額外加收及弁丁到次受兌藉端刁難該督撫實力稽查嚴叅究治並於兌漕之時飭令糧道往來查察以清銅弊

一各省州縣收納漕糧糧戶到倉隨時驗明米色卽令自行攬交倘有淋尖踢斛或剗去斛裏改換斛面或額外收取樣米或斛面餘下

之米作爲蓆墊不准業戶取回或借米色爲辭私自增加或蠹役刁蹬留難包攬代完侵蝕飛派等弊州縣隨時查拏嚴行懲辦如有徇隱糧道嚴叅究治糧道徇隱督撫查叅督撫贍徇一併議處倘該管上司收受陋規照枉法贓科罪

一各省州縣倉廩鋪墊例有隨徵漕費足資修理倘該州縣於辦漕之先勒派漕書修理倉廩鋪墊致滋需索者令該管道府實力稽查

嚴叅辦理

一徵收漕糧如實因被水被旱間有紅白相兼或青腰白臍以致米色不純者州縣於開徵時詳報該管上司確查數目卽行奏明次年糧艘過淮總漕查驗奏報並移咨倉場衙門照數驗收

一各省正耗漕糧及贈耗行月各米監兌官逐一驗明交兌官丁不許私折顆粒兌糧完日監兌官同州縣出具並無折乾扶同情弊印

結申報開行時糧道親行查驗出結報部儻
有州縣串通弁丁私自折給監兌等官徇隱
不究漕運總督一併查明覈叅

一湖北省漕船兌漕水次不一上游在省城水
次應兌米石於開兌時由巡撫親往河干督
同糧道查驗如有攙雜等弊將經徵之州縣
指叅駁換其下游在各屬水次分兌之米先
由糧道監兌統俟各船兌齊開行至湖北江
西交界之田家鎮地方遴委公正大員一律

按船盤驗儻有攙雜卽責令弁丁賠補儻委
盤大員並不認真查辦致過淮時驗出霉變
等弊卽將該委員一併奏叅分賠至湖南有
漕州縣均解赴岳州水次交兌先將樣米呈
送巡撫查驗俟運過省城河下由該撫督同
糧道親詣河干逐一查驗由下游經過岳州
者俟糧道抵岳時通行驗明撥兌取具監兌
各員兌收好米甘結糧道再行加具印結送

部

一正副旗丁赴次交兌時如有已革運丁竄身入幫無論生監卽行拏交地方官嚴行究治其有疎縱者將運弁一併叅處

一旗丁爭告在未兌糧之先者糧道嚴查不許領運如在領運之後者候完糧回南日審理不得擅准拘繫稽悞新漕

一糧艘過淮總漕眼同弁丁逐船比對務期米色一律純潔方准過淮儻有攙雜低潮如江蘇浙江二省係監兌之員押運卽將監兌押領各員弁同經營各員一併嚴叅議處仍將

米石著落各該員分別立限追賠其安徽江西湖廣等省監兌官不押運赴淮只有糧道並押領各廳弁督率照料儻查有原兌本係好米中途不勤加風晾甚或舞弊攙和皆非監兌官所能查察止將在幫各員叅處追賠至過淮驗明以後本屬好米抵通交倉或有霉暗者則係弁丁等中途不勤加風晾所致卽將押領員弁叅處並將不堪米石著落追

賠

一漕船艙底用蘆蓆鋪墊於過淮時總漕查驗取結存案如查有石灰鋪墊者無論米色會否潮濕卽將該旗丁從重治罪該管官一併議處

一幫船到淮應交津貼飯銀大幫陸兩小幫肆兩當官呈繳給發書吏不得私相授受其米數丁舵姓名等冊各幫字識自行繕造申送不許倩人代造科派需費

一江浙糧艘篷桅過淮時總漕逐一點驗其江口暨立時催漕官不得假查看名目需索陋規

一各省漕船至揚州三岔河總匯地方總漕遴委幹員彈壓分幫前進如委員及跟隨人役有需索盤費等項者題叅究處

一重運北上時宿遷營遊擊委駐白洋河徐州協副將委駐韓莊八閘漕船提溜打閘有弁兵串通人夫勒索旗丁倍出工價者該員約

東禁止如縱容徇庇一併叅處

一頭船尖丁不許科派各船沿途使費銀兩包攬侵蝕違者究處如運弁有串通頭船科派各船銀兩俱分別究議

一領運員弁如有需索旗丁米石擅扣行月等銀及縱容親戚家人需索常例縱容旗丁需索銀米者俱照律治罪銀米入官糧道給發運丁錢糧如有尅扣僉丁監兌等官如有需索俱從重治罪

漕船經過地方責成沿途文武員弁多派兵役認真查拿毋致無賴棍徒勾串水手勒加身工銀兩及打船滋擾等事儻文武地方官因循疎縱或任意彌縫漕運總督卽行據實嚴叅究治

一重運漕船旗丁准帶土宜壹百貳拾肆石頭舵二人每人准帶土宜叁石水手無論人數多寡准帶土宜貳拾石共帶壹百伍拾石外又准加帶叁拾石例不報稅均分別貨物粗

細酌量綱束大小定數作石於過淮處所刊刻木榜通行曉諭如有違例多帶及沿途攬載者貨物入官丁商從重治罪官弁俱嚴加議處

一江西湖廣二省糧船准其將本地所產竹木於天篷上裝帶毋得過高二尺儻有違例多裝押運廳弁勒令起卸嚴加責懲竹木入官廳弁等通同徇隱一併叅處如水大之年帶至臺莊以南一帶卸賣不得帶過臺莊水小之年在淮安揚州卸賣不得帶過黃河

一弁丁沿途盜賣正項漕糧并行月米石拿獲按律分別治罪頭舵私受錢財及知而不舉者亦分別治罪押運領運員弁均按例議處所缺米石照數追賠如本人無可賠補著落原選委衙門官代賠盜賣盜買之人一體治罪糧米交還本船仍追米價入官充餉其往來搬運之船減等發落地方巡查各官能拿獲者按次分別議敘汎兵實力查獲將入官

米價照追賞給巡查各官失於查察者按照盜賣米石數目分別議處

一旗丁領運米石如因河水淺涸卽派撥船撥運儻有攬載貨物船重難行並強奪民船撥載糧米者均查明治罪運官分別議處

一漕船行抵楊村令各幫丁將貨物儘數起剝不許絲毫存匿如遇水淺難行再將漕船起剝每年屆漕船入北河時直隸總督委同知一員至楊村會同總漕所派守備千總及運

幫各員專司稽查其糧船抵通交兌後倉場

侍郎留心查察儻仍有貨物在船卽行究治

委員一併議處

一各省起運漕船例准裝帶土宜如遇水勢通暢船身喫水按照加裝米數止增重四五寸者不必起撥令其加緯行走毋許脫空

一糧船經過地方遇天旱水淺不能通行總漕總河先令旗丁將所帶貨物起撥如貨物未卸先將漕米剝載者照盜賣漕糧例分別治

罪

一運弁領運違限及管押重運擅自離幫正丁在南免托別丁包運並隨幫與副丁不親身在幫回空者弁丁從重治罪糧道一併題叅

一漕船到通米石遇有霉變以及潮濕攙雜等弊卽行駁回毋得折成收受其駁回米石由倉場派灑帶回每船止准裝載壹貳百石不得在通售賣至德州後方准糶變並著落沿途地方官嚴密稽查儻有在天津一帶售賣

者照私賣漕糧例究辦

一每船旗丁霉變米至伍百石以上柳號示衆漕竣重責遞回監追

一失風船隻到壩如奸丁因有准其易賣買補之例乘機將好米攙和盜賣者從重治罪

一漕糧到通驗看質嫩色暗不能一律純潔或攙和沙土糠粃潮濕者旗丁治罪押運領運員弁及該管糧道交部議處

一旗丁原備叁升捌合餘米儘數給價進倉外

其存贖行月等米坐糧廳給票聽沿途售賣
若私自通糶賣者查出從嚴究治

一回空糧船除日用盤費錢文准其攜帶外如
有將制錢數拾百串成捆包挾捏稱壓船希
圖販賣者卽行拿究胥役人等亦不得借端
需索違者究治

一回空糧船江西省准帶食米肆拾伍石燒煤
肆拾石湖南省每船准帶食米叁拾陸石燒
煤叁拾貳石湖北省每船准帶食米叁拾叁

石柒斗伍升燒煤叁拾石江南浙江一省每
船准帶食米叁拾石燒煤貳拾伍石自通州
至宿遷淮安揚州等處逐關查驗扣除免稅
放行不得越數多帶

一回空糧船每船准帶梨棗瓜豆等四項食物
並土宜共壹百壹拾肆石免其過關輸稅如
有多帶各關照例徵稅

一各省回空漕船行抵開口遇重運尾幫未經
出口卽在開外停讓如有滿號趕造船隻糧

道驗明於船尾粉書赴廠打造字樣備查先期詳明漕運總督轉飭河員於每幫出口後乘空分塘卽令越幫進閘每起不得過五隻其餘同空漕船俱於重運尾幫出口後再行挨次僂進如河內重運連樁行走回空船隻卽於寬處停讓該管廳員駐宿河干專司彈壓道員往來稽查如有搶閘並閘官留難勒指該督撫立即指參

一空重糧船不准私載硝磺並攬載商茶偷漏關稅各該督撫令地方官弁分路嚴緝如查出私販者照私鹽例究治押運官弁亦照失察私鹽例議處

一重運回空糧船每船准帶食鹽肆拾觔遇查鹽員弁將例帶食鹽擺列船頭聽候秤驗如每船多餘止貳叁觔者入官變價充公不得以私鹽混報凡經過產鹽地方文武官弁晝夜催僂不許逗遛並嚴拿旗丁私行販賣遇淮船隻專聽兩江總督鹽政委員在揚州鹽

廳搜查不過淮之徐州衛江北幫輪兌徐州
漕糧之長淮衛三四兩幫鳳中二幫宿州衛
頭二兩幫回空糧船大河衛守備搜查不過
淮在夏鎮皂河等處受兌之淮安衛三幫回
空糧船濟甯衛守備搜查糧船一到隨即秤
驗查畢卽行開行查出夾帶私鹽除運官降
級調用外至沿途州縣文武查係產鹽地方
專司稽查者一併查參其非產鹽地方文武
各官免其參處如同知通判千總等官管押
幫船空重均無夾帶私鹽者准其議叙若未
經親身在幫協查者不得濫行請敘

一山東省自備船隻俱係雇募責令該糧道先
期將應雇船隻數目行知通州及天津縣就
近稽查俱按時價發給不得濫行強拿違者
究處

一運糧漕船如有奸商借給銀兩重利盤剝致
累運丁由糧道督率運弁隨時查察立卽嚴
拿懲辦

一衛所僉運新丁除著認篷桅扛索價值之外不得勒認前丁公私欠項儻有勒令新丁接受者或查出或告發將該備弁題參革究

二旗丁子弟及積年舊役有謀充有漕各衙門書承者察出從重治罪

一黃河兩岸捕魚小船該地方官開具姓名造冊編號著管河縣丞河標把總經管約束遇有糧船失風卽令先行救米次行救貨米聽押運官分散本幫各船貨物該縣丞把總等

查明逐一交還失風之旗丁酌量賞給各漁船錢文如有乘機搶掠等事照例治罪該縣丞等官一併查參議處

一凡官員商賈軍民船隻行至閘河均俟積水至六七板始准開閘放行其奉差緊要官務儻遇水勢不滿卽改從陸路行走如有凌駕爭擠擅開閘板走洩水利誤漕者總漕總河指實題參徇隱不舉事發一併治罪

一每幫十船各丁連環保結互相稽察如有折

乾盜賣等弊能出首者酌量賞給隱匿不首者事發之日本丁治罪其餘九丁一體責懲

一有頂帶之丁干犯漕規照運丁例一體治罪

一糧船頭舵水手於本軍內擇其能撐駕者充當如有雇募匪人於漕糧兌足後不即開行包攬貨物回空時收帶私鹽聚眾行凶登岸滋事及擾害過往船隻並砍伐官柳拆毀橋板奪取房間堆儲蘆葦等物俱從重治罪押運官弁分別議處

一各省漕船如有舵工人等包攬運務虧缺米石累及眾丁代完者令領運千總據實報明將包攬之人審實發遣

一各省旗丁在糧道衙門領銀之時應令出具丁書差役並無尅扣甘結開行時出具廳弁書役並無需索陋規甘結一併由糧道加具印結申送督撫衙門於開幫摺內聲明具奏至過淮抵通由漕運總督倉場侍郎將丁書經紀人等並無需索陋規緣由取具旗丁甘

結陳奏一次儻再有尅扣需索或扶同徇隱情弊別經發覺與受照律同科

一道府州縣各衙門及衛弁軍旗人等收兌漕糧督撫先期刊刻規條列示嚴禁如開倉收米擅自派費者解省投批掛號鋪班撥兌需索陋規者兌糧給發官斛需索使費者撥衛兌漕監兌需索供應軍弁水手需索陋規者水次兌糧苛索耗米者查出題叅究處兌糧事竣時監兌官出具並無需索等弊印結送

督撫存案至過淮盤驗抵通交卸及部廳鋪算等事各衙門書役人等如有需索使費者察出卽行究處

一糧道准帶書役四名差役四名運官減半不得逾數多帶

一漕運諸弊於瓜洲開口儀徵江口淮安之盤糧廳濟寧臨清天津通州各口刊刻木榜永遠禁止該管官不時查察如有干犯題叅究處

一糧船重運回空千總各准攜帶鳥鎗一桿以

備巡守均令總漕衙門編列字號責令該千

總自行收儲如有私行多帶查報叅處

一倉場坐糧廳書役及南漕各衙門員役於裁

存飯銀不照石刻條款數目收受而另立名

色額外婪索者許被害人首告審實照律治

罪違例私給者一律懲治失察之押運員弁

及各上司分別議處北漕裁存倉場衙門書役飯銀條款一存留經

紀腳價飯銀貳百兩一白糧經紀腳價飯銀

貳百捌拾陸兩肆錢一四開水腳抗價飯銀

一布袋每萬條飯銀肆拾兩一經紀載錢飯

銀貳百捌拾兩一經紀頭役飯銀肆拾兩一

每倉腳價銀肆兩一每倉卯歷飯銀肆兩一

各倉書攢每年給裝釘循環簿銀貳兩肆錢

一每倉磨對黃冊每年給飯銀陸兩肆錢

一每倉裝釘黃冊飯銀參兩貳錢一每倉

年規飯銀陸兩肆錢一坐糧廳每年給銀捌

兩出巡回巡銀捌兩一大通橋每年給銀捌

兩一新任監督給銀壹百參拾兩一每倉進

米報單飯銀貳兩肆錢一經紀每年給掣欠

銀陸拾兩坐糧廳衙門飯銀條一存留

幫貼東科飯銀捌拾兩一軍糧經紀幫貼南
 科飯銀玖拾肆兩又幫貼南科飯銀壹拾兩一四
 兩一白糧經紀幫貼南科飯銀壹拾兩一四
 兩一白糧經紀幫貼南科飯銀貳拾伍兩
 陸錢又每間每年幫貼南科飯銀貳兩一慶
 豐開間官每年幫貼南科飯銀柒兩伍錢一
 拆賣江西滿號船每隻給南科造冊飯銀貳
 兩肆錢又給掛號銀壹兩貳錢一運官加銜
 給南科飯銀貳兩或壹兩陸錢不等一軍糧
 經紀幫貼西科銷算飯銀肆拾兩又幫貼西
 科貼寫銷算飯銀肆拾兩一每年徵收額稅
 盈餘平餘銀陸拾餘兩又交稅銀壹兩收飯
 銀伍分一紅單每大張收制錢肆拾文每小
 張收制錢壹拾伍文一小票每張收制錢壹
 文一巡舍更名給河稅科銀壹兩又貼寫銀
 伍錢豬酒雜貨布四行每行給河稅科年節
 銀貳兩南漕裁存各衙門書役飯銀條款
 一領運千總雇募字識班役紙張飯食河南

山東二省每船給銀陸分江安蘇松江西
 湖北湖南等六省每船給銀捌分一押
 運承倅書吏差役紙張飯食山東河南二省
 每幫給銀捌錢江安蘇松江西浙江湖北湖
 南等六省每幫給銀壹兩一糧道衙門號
 房門役每幫各給銀叁錢一各關報文及
 查驗上宜山東河南二省每關每幫給銀叁
 錢江安蘇松江西浙江湖北湖南等省每關
 每幫給銀伍錢一赴總漕衙門投文掛號
 每幫共給銀叁錢又驗領全長二單每幫共
 給銀伍錢一沿途營汛如有粘貼印花抄
 寫掛號並帶入汛出汛文書每幫共給銀貳
 錢一東昌泊頭磚河楊村河西務各汛山
 東河南二省每幫每處給制錢伍拾文一
 沿途間座如果水深溜急必須開夫料理者
 每處每幫給銀貳錢平坦間座不准給與

司合七年校刊
 漕運
 六

嚴杜轉運流弊

咸豐十年奉

上諭寶璽奏豫杜轉運流弊請嚴定章程一摺海運米石自天津驗收後沿途撥運弊竇叢生甚致有挾恨毆兵不遵約束等情迨經交部辦理罪止柳杖該經紀車戶等益無忌憚法輕情重殊不足以警刁頑且此等案件交部後尤應迅速辦結上年十月間慶豐牘官撥船駕掌賀九等暨十一月船戶李成等案據奏至今尚未咨覆著刑部迅將前送之船戶經紀等同治十三年校刊

同治十三年校刊

刑部則列卷五

漕運

九

照該侍郎所奏比照監守自盜律加等治罪因漕米犯案各棍徒等比照兇惡棍徒律加等治罪並將擬定罪名詳細咨覆以憑核辦嗣後該驗米大臣倉場侍郎等遇有此等案犯均著一面咨交刑部一面奏聞其另片奏請派員巡緝大通橋朝陽門一帶偷漏等弊卽著步軍統領衙門揀派叅遊等員督弁在各該處分段巡緝實力訪查以除積弊而重倉儲欽此

嚴禁偷漏

咸豐十年奉

上諭前據刑部奏船戶經紀人等偷竊米石分別從嚴擬罪當令載垣彭蘊章覆覈具奏茲據載垣等詳查例案從重定擬漕糧爲天庾正供顆粒皆宜珍惜該經紀船戶人等輒敢於起撥轉運沿途任意偷竊甚至用藥使水攪和舞弊一經查拏復敢糾眾拒捕實屬目無法紀著照所擬嗣後凡經紀船戶偷竊漕糧經兵役往拏輒敢拒捕者卽照前定賀九一案首犯

刑部則例卷三十四
三
於審明後卽行處斬爲從各犯發新疆給官兵爲奴
遇赦不赦此外偷竊漕糧入已數在陸拾石以上者
首犯斬監候秋審入於情實爲從各犯發雲貴兩廣
極邊煙瘴充軍數在陸拾石以下貳拾石以上者首
犯絞監候秋後入於情實爲從各犯發邊遠充軍數
在貳拾石以下者首犯發新疆給官兵爲奴遇赦不
赦爲從各犯發近邊充軍其用藥使水灌米之案首
犯發新疆給官兵爲奴遇赦不赦爲從各犯發極邊
煙瘴充軍以上各項人犯所有家產俱抄沒入官至

因漕米犯案匪徒仍照刑部原擬罪名枷杖者發雲
貴兩廣極邊烟瘴徒罪以上發新疆酌撥種地當差
該部卽纂入則例永遠遵行等因欽此

同治十年三月初十日奉

上諭英元奏請飭營汛巡緝偷米匪徒一摺大通橋
設有上下號房二處積存已收未運之米上年八
月間竟有匪徒擁入上號搶掠經巡緝兵役齊往
抵禦該處營汛置若罔聞實屬不成事體著步軍
統領衙門飭令朝陽河陽二汛於上下號存米時

實力巡查遇有匪徒搶盜米石一體嚴拏懲辦並將著名盜米之犯隨時訪緝務獲毋任溷迹另片奏請將掣斛廳移設大通橋左側等語著照所議辦理遇米石到橋時卽著抽查漕糧御史督同監督隨掣隨運以期迅速而免偷漏欽此今擬恭載

嚴禁水手

一漕船抵壩後不准水手人等一名留住通州由漕運總督派把總一員前往通州會同各該衛千總認真稽查責成該衛千總等及地方官查明出結詳報直隸總督順天府查覈一漕船水手不准私藏刀械開行以前糧道幫弁及地方文武在水次查搜重運過淮漕運總督查搜抵津回空直隸總督轉飭天津道督率地方文武及總運幫弁查搜儻有私藏

刀械嚴行究辦如搜查不力指名叅處差役
徇庇從重治罪

一漕船隨帶鐵匠如代水手打造凶器該管幫
弁密稟糧道及總運官會同地方文武將鐵
匠水手一併拏獲治罪儻幫弁徇隱從重叅
處

一漕船雇募水手查明實在姓名籍貫飭令頭
舵出具保結方准充當每人給與腰牌不許
擅離本船如滋事潛逃令頭舵交出儻逸犯

不獲將頭舵嚴懲若丁舵徇庇照律治罪如
首報到官不為究辦將備弁總運各員嚴叅
至地方文武各官能將凶犯拏獲准予獎勵
其未經獲犯若能認真緝拏亦免其處分儻
有諱飾消彌情弊從嚴叅處

一漕船過境沿途督撫及各鎮總兵揀派文武
員弁分段巡查如水手及游匪滋事會同地
方官拏究並約束兵役不許別生事端儻不
認真緝拏將該員弁叅處

一各省軍船如有議定包費將船隻託人運通
交卸情弊將該丁按律治罪衛弁從重叅處
漕船經過地方責成糧道運弁於停泊時遂
船按冊點驗凡無腰牌之人卽會營汛拿獲
懲辦儻幫弁故縱從重叅處如有形跡可疑
者飭令丁舵密稟儻容隱徇庇一併治罪

